



სახელობო განათლება ქართულ მეღვინეობაში

2008 წლის ოქტომბერში კაჭრეთის პროფესიული სწავლების ცენტრში დაიწყო სახელობო განათლების 2-წლიანი პროგრამა სპეციალობით — მეღვინე-მევენახე. ზემოთ აღნიშნული პროგრამის გარდა პროექტი მოიცავს გერმანელი სპეციალისტების დახმარებით ქართველი მეღვინეების გადამზადებას საქართველოსა და გერმანიაში. პროექტს ფინანსურ დახმარებას უწევს გერმანიის ფედერალური მხარის ბადენ-ვურტემბერგის ფონდი და ბატონი ბურკჰარდ შუსმანი. ბატონი ბურკჰარდ შუსმანის პირადი ინიციატივა აღნიშნულ პროექტში მიზნად ისახავს საქართველოს დახმარებას საერთაშორისო ბაზრებზე კონკურენტუნარიანი პროდუქტით პოზიციონირებისთვის; ამავდროულად, კახეთის რეგიონში მცხოვრებ ადამიანებს სთავაზობს დასაქმების პერსპექტივას. პროგრამის იმპლემენტირებას უზრუნველყოფს გერმანიის ჰაილბრონის უნივერსიტეტის ღვინის მენეჯმენტის ფაკულტეტის ხელმძღვანელი, პროექტის დირექტორი, პროფესორი, დოქტორიარმინ გემრიხი; პროექტის კოორდინატორია გოტინგენის უნივერსიტეტის დოქტორანტი სოფი ღვინიძე.

პროგრამა მიზნად ისახავს საქართველოს ეკონომიკის ერთ-ერთ მნიშვნელოვან სფეროში — მეღვინეობაში სახელობო განათლების თანამედროვე სისტემის დანერგვას, ამ დარგისთვის კვალიფიციური კადრების მომზადებას, რაც შემდგომში წარმოების პროცესების და ქართული ღვინის ხარისხის გაუმჯობესებას განაპირობებს. ამ მიზნის წარმატებით განხორცილება კი ქართული ღვინის საერთაშორისო ბაზარზე კონკურენტუნარიანობის გაზრდის უმთავრესი წინაპირობაა.

აღნიშნული დუალური სახელობო განათლების მოდელი ინიციატორია ქართულ მეღვინეობაში. პროექტით გათვალისწინებულია გერმანული დუალური სახელობო განათლების მოდელის ქართულ რეალობაზე ადაპტირება — სწავლების 1/3 მოიცავს კურსანტების თეორიულ, 2/3 კი — პრაქტიკულ მომზადებას (საწარმოო წვრთნა). აღსანიშნავია ის გარემოება, რომ ქართული

რეალობისთვის დღემდე უცნობი იყო ცნება სანვრთნელი საწარმო, სადაც კურსანტები პრაქტიკულ განათლებას (ხელობას) ეუფლებიან. კაჭრეთის პროფესიული სწავლების ცენტრის კურსანტები საწარმოო წვრთნას გადიან სს თელიანი ველის და შპს ვინოტერა -ს (მფლობელი „შტუტგმან რუპე“) ღვინის ქარხნებში. აღნიშნული მარნები პროექტის სანვრთნელ საწარმოებად მოიაზრება, რაც ხელს უწყობს მსგავსი პრაქტიკის დანერგვას ქართულ მეღვინეობაში. სახელობო განათლების მოდელი მოიცავს არამარტო ტექნოლოგიური პროცესების გაცნობა-დაუფლებას, არამედ უწყვეტ ჯაჭვს — ვაზის გაშენებას, ყურძნის გადამამუშავებას, ღვინის წარმოებას და მის რეალიზაციას. კურსანტები გაეცნობიან მარკეტინგის საკითხებს, კერძოდ, ღვინის პრეზენტაციას და მყიდველის კონსულტირებას, ასევე, დეგუსტატორის უნარ-ჩვევებს.

იმისათვის, რომ პროგრამა ეფექტური იყოს და სახელობო განათლების გერმანული მოდელი გასაგები გახდეს როგორც აღსაზრდელებისთვის, ისე პედაგოგების და საწარმოო წვრთნის ხელმძღვანელებისთვის, პროექტი მიზნად ისახავს აღნიშნული სახელობო განათლებისთვის პასუხისმგებელი პირების პროფესიულ გადამზადებას. 2008 წლის სექტემბერში გერმანიიდან მონვეულმა ექსპერტმა კაჭრეთის პროფესიული სწავლების პედაგოგებისთვის ჩაატარა სემინარები (ტრენინგები), სადაც პედაგოგები გაეცნენ გერმანული მეღვინეობა-მევენახეობის სახელობო განათლების მოდელს და მონვეულ სპეციალისტთან ოტო დოპლერთან (გერმანიის ფედერაციული რესპუბლიკის სოფლის მეურნეობის დირექტორთა საბჭოს თავჯდომარე) ერთად შეიმუშავეს სასწავლო პროგრამა. 2009 წლის მარტში კაჭრეთის პროფესიული სწავლების ცენტრის პედაგოგები გაივილიან გადამზადებას გერმანიის ვაინშტრასის, ნოიშტატის, ჰაილბრონის, ბად-დურკჰაიმის და ვაინსბერგის მეღვინეობაზე სპეციალიზირებულ სახელობო განათლების სკოლებში. გერმანიიდან მონვეული ექსპერტი დოქტორი გეორგ

ბინდერი (ვაინშტრასის ნოიშტატის მეღვინეობის კვლევითი ინსტიტუტის და მეღვინეობის სახელობო განათლების სკოლის ენოლოგიის ხელმძღვანელი) 2009 წლის აპრილში კაჭრეთის პროფესიული სწავლების ცენტრში ჩაატარებს ტრენინგებს ენოლოგიასა და სენსორიკაში. სემინარები ჩატარდება როგორც კაჭრეთის პედაგოგებისთვის, ისე სახელობო განათლების პროგრამის კურსანტებისთვისაც.

კაჭრეთის პროფესიული სწავლების ცენტრში მეღვინე-მევენახის სპეციალობაზე თეორიული განათლება მიმდინარეობს პროფესიული გერმანული სახელმძღვანელოებით, რომელსაც ქართულად თარგმნის თელავის იაკობ გოგებაშვილის სახელობის სახელმწიფო უნივერსიტეტის ლექტორი დოქტორი დავით ჩიჩუა. წარმატებულ კურსდამთავრებულებს, რომლებიც ფლობენ გერმანულ ენას, შეუძლიათ პრაქტიკა გერმანიის ღვინის ქარხნებში გაიარონ.

გარდა ამისა, პროექტის ფარგლებში გათვალისწინებულია სს თელიანი ველის და შპს ვინოტერას წარმომადგენელთა სემინარები გერმანიაში,

სადაც ისინი პრაქტიკულად და თეორიულად გაეცნობიან ვაინსბერგის სახელმწიფო ღვინის ქარხნაში საწარმოო წვრთნის პროცესს.

როგორც აღვნიშნეთ, დუალური სახელობო განათლების განხორციელება მიზნად ისახავს ქართული მეღვინეობისთვის პროფესიონალი სპეციალისტების მომზადებას და განათლების ამ მოდელის დანერგვას ქართული პროფესიული განათლების სისტემაში, რაც მომავალში დადებითად აისახება ქვეყნის ეკონომიკაზე. პროგრამის დანერგვის მთავარი იდეა იმაშია, რომ სახელობო პროგრამის (პროექტის) დამთავრების შემდეგ, სახელმწიფოს ინიციატივით და დაფინანსებით, უნდა გაგრძელდეს მეღვინე-მევენახის პროფესიული მომზადება, რადგან დღეისათვის სახელობო განათლების პროგრამის არსებობა უმნიშვნელოვანესია ქართული მეღვინეობის განვითარებისათვის.

პროექტის კოორდინატორი სოფი ღვინიძე



პროფ. დოქტ. არმინ გემრიხი, კურსანტების ინსტრუქტორი კაჭრეთის პროფესიული სწავლების ცენტრის პედაგოგი გელა მაზანიშვილი, სახელობო პროგრამის კურსანტები

ჩვენი სუფრა სავსე იყო ყვავილებით, ლექსებით და ყურძნით..

როგორ შეხვდნენ „ცისფერყვავილები“ ახალ 1922 წელს — ეს იყო, საქართველოს ახსოვს.
გაზეთი „ბარკადი“ — პოეზია, ესთეტიკა, პოლიტიკა, „ცისფერ ყვავილებს“ კვირული გაზეთი №5 22 იანვარი 1922 წელი.
მის: თბილისი, რუსთაველის პროსპექტი №24 ტელ: 7-99

„ცისფერყვავილები“ არ იყო მხოლოდ ლიტერატურული მიმდინარეობა, ეს იყო ცხოვრების წესი. ეს იყო განსაკუთრებული ურთიერთობები, რომელთა მომხიბლობაც მისი წარმომადგენლების განსაკუთრებულობას და გამოჩენილობას უსვამდა ხაზს.

ამბავი, რომელიც 1922 წლის გაზეთ „ბარკადი“ ამოვიკითხეთ, მოგვითხრობს, როგორ შეხვდნენ „ცისფერყვავილები“ ახალ წელს 1922-ში და პაოლო იაშვილის 5 ჩანახატს მოიცავს (ჩანახატების სტილი დაცულია).

პირველი
1922 წელს ყანწელებიდან მხოლოდ ათი კაცი იყო ცოცხალი. მხოლოდ ათი ყანწელის გვარი იცის საქართველომ: გრიგოლ რობაქიძე, ტიციან ტაბიძე, ვალერიან გაფრინდაშვილი, კოლაუ ნადირაძე, სანდრო ცირეკიძე, ალი არსენიშვილი, ნიკოლო მიწისმედი, გიორგი ლეონიძე, შალვა აფხაიძე და პაოლო იაშვილი.

მეორე
1922 წელს ვხვდებით ქართველი პოეტ-

ების კვარტალში, რომელიც გავაშენეთ ისე, როგორც შორეულ წარსულში ქართველმა კეთილშობილმა მუშებმა გააშენეს „ნაძალადევი“. ეს კვარტალი მდებარეობს (ესწერ მომავლის ეთნოგრაფებისთვის) მტკვრის მარჯვენა მხარეს და დაშორებულია ნახევარი ვერსით მცხეთის საღურს. კაფეში, რომელსაც სახელწოდება ჰქონდა „ცისფერი ყვავილები“, ჩვენი სუფრა იყო სავსე ყვავილებით, ლექსებით და ყურძნით.

იმ წელში გამოიგონეს ფრანგმა მევენახეებმა საშუალება ყურძნის მტევნისგან დათრობისა და ყველა კაფეს სტუმრებს უკვირდით, რომ ჩვენ ყურძნის მარცვლებისაგან ვთვრებოდით, ისევე, როგორც სტუმრები ღვინით სავსე ყანწელებიდან (სხვათა შორის იმ წელს პირველად გამოჩნდა ცისფერი ღვინო, მანამდე კი მხოლოდ წითელი და თეთრი ღვინო არსებობდა).

მესამე
ჩვენ სუფრაზე ვისხედით ათი ყანწელი და ათი ყანწელის უმცროსი შვილები. ცოლები და უფროსი შვილები მარხულობდნენ იმ დამეს, ლოცულობდნენ ცოცხალ ყანწელების სულის შესანდობრად (ეს იყო, საქართველოს ახსოვს ჩვენი ტრადიცია).

როდესაც სტუმრები გამოითხოვდნენ „ყანწელებს“ ლექსის სათქმელად, ჩვენ ნაცვლად ლექსებს ამბობდნენ ჩვენი შვილები. მე მახსოვს, იმ დამეს ყველაზე კონტად და გაგიჟებით მამის ლექსი სთქვა ვალერიან გაფრინ-

დაშვილის უმცროსმა ვაჟმა ვალერიან მეორემ. ამის შემდეგ ჩვენი შვილები ამბობდნენ: მამები დაილაღნენ, მათ ლექსები მოეწონათ. წავიდეთ „გაიპერბოლის“ ოთახში, დავიხოქოთ და ვილოცოთ ჩვენი უფროსი დის ალკა რობაქიძის სულის მოსახსენიებლად.

ჩვენ დავრჩით მარტო. ჩვენი შვილები ალკას სულსათვის ლოცულობდნენ და როდესაც მათ მუხლ მოკრეფილი ლოცვა დაამთავრეს მოვიდა ყანწელების უფროსი ქალი ტანიტ ტაბიძე და სთქვა: ყანწელების ოჯახური ლოცვა გათავდა.

ბავშვებო! თქვენი დედებისაგან დავალებული მაქვს, რომ სახლებში დაბრუნდეთ.

ჩვენ მადლობა ვუთხარით ლამაზთვალე ტანიტს და ბავშვები დედებთან გავისტუმრეთ (მეორე დღეს გავიგეთ, რომ ჩვენი ბავშვები სახლში უშიშრად დაბრუნებულიყვნენ).

მეოთხე
რადიო-ტელეგრაფით ვაცნობეთ ოჯახებს: ჩვენ სახლში არ დავბრუნდებით.

მეხუთე
ღამე გავატარეთ აბასთუმნიდან მომავალ ტივებზე: ტივები იყვნენ უკანასკნელი ნაშინი ძველ, ბარბაროსულ საქართველოსი, რომელსაც კიდევ სწამდა ილიას და აკაკის პოეზია.

მეტყველები იყვნენ უკანასკნელი ჩოხოსნები და ამბობდნენ სამწუხაროა, რომ საქართველოში სონეტი აღარ არსებობს.



პაოლო იაშვილი: იმ წელში გამოიგონეს ფრანგმა მევენახეებმა საშუალება ყურძნის მტევნისგან დათრობისა და ყველა კაფეს სტუმრებს უკვირდით, რომ ჩვენ ყურძნის მარცვლებისაგან ვთვრებოდით, ისევე, როგორც სტუმრები ღვინით სავსე ყანწელებიდან.

აღნიშნული სტატია გამოქვეყნდა გაზეთში: „ქართული უნივერსიტეტი“ №1, 15-21 იანვარი, 2009 წელი ავტორი: ნინო გელენიძე